



Iren kalelepak kan me pid Compact of Free Association Premium Assistance Program, Oregon Health Plan *(Pohnpeian)*

Mengihtik kan ong wasahn ale sawas:

- Oregon Health Plan (OHP) nempehn telepwohn ong wasahn sawas: 800-699-9075 (sohte-isaispe)
- Sawas ong meh kapw ong alehdi insurens en roson mwahu sang OHP: 800-273-0557 (sohte-isaispe)
- Telepwohn nempe ong kaweid sang Ners ongete irailkan me naineki open card (awahn doadoah me opis kin open iei awa 24 rahn ehu pwon, rahn isuh rahn koaros nan wihkan): 800-562-4620 (sohte-isaispe)
- Oregon Health Insurance Marketplace, COFA Premium Assistance Program: 855-268-3767 (sohte-isaispe)
- Sawas en aplikeisin ong insurens sang Marketplace (HealthCare.gov): 800-318-2596

Iren kadehdehkan:

- **COFA Premium Assistance Program** sowesedahr aramas me kin kouson Oregon me seiloakdo oh kousonlahr nan wehi lap en United States pahn inou en Compact of Free Association oh pwain neirail isaispen insurens en roson mwahu sounpwong koaros iangahki isais kan me naineki insurens kin pwukoaki.
- Tohn sawas en roson mwahu me kahdaneki **coordinated care organization (CCO)** iei pwihn en toahktehkei (ong sawas en roson mwahu, soumwahu en ale mehn kasahliel de me suwed ong palin war oh sawas en roson mwahu en pali en madmadau, oh pil tohn sawas de toahktehn tipwi ngihkan) me kin minimin pene ki arail doadoahk oh kin apwali me kin iang naineki insurens sang OHP. CCOs re kin apwalih mwahu oh ni keneinei ong perehsang aramas soumwahu oh sowese aramas ren kak apwalih mwahu kohwa soumwahu apwal kan me duwehte soumwahu en suke. CCO me ke pahn iang ale sawas sang kin pwukoahkihte tohn wasa ke kouson ie.
- **Iren kalelepak kan (FAQs)** iei koaros iren kalelepak me se kin kalapw alehdi sang aramas tohto. Nan doaropwe wet, se kasalehda iren kalelepak me se keiou kalapw alehdi sang aramasakan. Ma miehte iren kalelepak tohrohr me ke ahneki, ah ke kalelehkin kiht omwi ireh kan.
- **Medicare Savings Program (MSP)** kin sowese aramas me kin naineki Medicare irail kin pwain isais en sawas sang Medicare oh re pil kin pwain wen isais teikan me naineki insurenso pahn kin pwukoaki pwain.
- **Open card** iei koasoandihn sawas ong me naineki insurens OHP oh re sohte iang ale sawas sang CCO. Memper pwukat me mih nan open card kak tuhweng toahkte sohte lipilipil me kin iang alehda insurens en OHP. Ma ke sohte wehwehki iren sawas en insurens me ke naineki, ke anahne eker ohpis en sawas ong memper en insurens en OHP ni telepwohn nempe 800-273-0557 oh kalelepek mwahu rehail (sohte-isaispe).
- **Oregon Health Plan (OHP)** iei prokrahm en Oregon's Medicaid . Prokrahm en insurens en roson mwahu wet wehi lap de federal- oh wehi tikitik kan de iei state- me kin sawaskipene oh apwalih isaispen insurens en roson mwahu kan me iei ong me kin kouson Oregon oh pil mih nan epwel en mwohni de epwel en mour.

Iren Kalelepek kan:

1. Ihs me kak iang alehdi insurens en roson mwahu sang OHP?
Oregon Health Plan (OHP) kin sawaskihda insurens en roson mwahu ong koaros aramas me mih nan epwel en mour de mwohni oh me pil kin koukouson nan Oregon, me pil iangahki peneinei kan me kin doadoahk, serihkan, lih me liseian, aramas me sohte pwopwoud kan, oh pil aramas me likeilapalahr kan. Duwen aramas pahn mweimweieng de kak alehdi sawas sang OHP kin sang ni en aramas sounpar, wen tohtohn towen ehu ihmw, wen mwohni me kin alahdi de aramas kin koadoahkehda oh pil ong me sohte liseian pahn sang ni duwen arail mweimweieng mihmila nan wai et. Me keren, OHP alehda de mweidada aramas me koukouson Oregon oh seiloakdo oh kousonla nan United States pahn manaman en inou en COFA.
2. I anahne audehda oh kapidolong nei aplikeisin ong COFA Premium Assistance Program?
Soh. Pwehki ire kapw me koasoandier ong wekideklahn Medicaid, ke kakehr iang mweiwei ong alehdi sawas en insurens en roson mwahu sang OHP. Met kawukalahr anahnepen ale sawas en insurens sang COFA Premium Assistance Program.
3. Ma ih iang mih nan insurens en OHP, ih anahne fail nei tax?
Ma rahnteio ke iang alehdi oh doadoahngki insurens en roson mwahu sang Marketplace, ke anahne fail noumw tax ong sawas de credit me ke kin alehdi me kin pwain isais en insurens sounpwong koaros mwohn omwi tepda iang alehdi sawas en insurens sang OHP. Ke sohte anahne fail tax pwe ken repohtki elen sawas me ke alehdi sang insurens en OHP.
4. Ia mwomwen ai pahn alehdi sawas sang CCO?
Mwurin omw kapidolong aplikeisin en insurens en OHP oh ahmw elen sawas kan mweimweidahr, ke pahn alehdi sawas en CCO me kin sowese wehi pokon en wasa ke kin kouson ie. Tehkada kilel en mengihtik me sansal pah pwe ken kak esehda mehnia CCO me ke pahn kak iang ale sawas sang ie me kin pwukoahki tohn wasa ke koukouson ie.
5. Ia mwomwen ai pahn esehda ihs me ahi CCO?
Ohpis tikitik me kin sowese memper en OHP kak soweseiuk ni telepwohn nempe: 800-273-0557 (sohte-isaispe). Tehkada kilel en mengihtik me sansal pahn pwe ken esehda mehnia CCO me kin pwukoaki tohn wasa ke kin koukouson ie pwe ken ale sawas sang irail.

Coordinated Care Organization	Contact	County
Advanced Health	541-269-7400 800-264-0014 (toll-free)	<ul style="list-style-type: none"> • Coos • Curry
AllCare CCO	888-460-0185 (toll-free)	<ul style="list-style-type: none"> • Curry • Josephine • Jackson • Parts of Douglas
Cascade Health Alliance	541-883-2947 888-989-7846 (toll-free)	<ul style="list-style-type: none"> • Parts of Klamath
Columbia Pacific CCO	503-488-2822 855-722-8206 (toll-free)	<ul style="list-style-type: none"> • Clatsop • Columbia • Tillamook
Eastern Oregon CCO	503-765-3521 888-788-9821 (toll-free)	<ul style="list-style-type: none"> • Baker • Gilliam • Grant • Harney • Lake • Malheur

		<ul style="list-style-type: none"> • Morrow • Sherman • Umatilla • Union • Wallowa • Wheeler
Health Share of Oregon	503-416-8090 888-519-3845 (toll-free)	<ul style="list-style-type: none"> • Clackamas • Multnomah • Washington
InterCommunity Health Network	800-832-4580 (toll-free) 541-768-4550	<ul style="list-style-type: none"> • Benton • Lincoln • Linn
Jackson Care Connect	855-722-8208 (toll-free)	<ul style="list-style-type: none"> • Jackson
PacificSource Community Solutions	800-431-4135 (toll-free)	<ul style="list-style-type: none"> • Crook • Deschutes • Hood River • Jefferson • Parts of Klamath • Lane • Marion • Polk • Wasco
Trillium Community Health Plan (North)	877-600-5472 (toll-free)	<ul style="list-style-type: none"> • Clackamas • Multnomah • Washington
Trillium Community Health Plan (South)	541-485-2155	<ul style="list-style-type: none"> • Lane • Western Linn • Douglas
Umpqua Health Alliance	541-229-4842	<ul style="list-style-type: none"> • Most of Douglas
Yamhill Community Care	855-722-8205 (toll-free)	<ul style="list-style-type: none"> • Yamhill • Parts of Washington • Parts of Polk

6. Ih kak tuhwengte ai toahktehu?

CCO insurens prokrahm me ke iang ale sawas sang ie me pahn pein kihwei ahmw toahkte. Omwi CCO pahn kadarewei sinlikou iou me pid kawehwewei mengihtik me pid omwi toahkte. Ke pahn pil alehdi kard iou me pahn kadehdeda me ke kin iang ale sawas sang CCO wet, me pahn pil kasalehda omwi toahkte. Ma ke men wekidala toahkte me ke kin tuhweng, ah ke anahne eker de wehwelahng omwi CCO.

7. I kak tuhweng toahkte sohte lipilipil?

Ke anahne tuhweng toahkte me kin iang mih nan pwihn me kin mih de doahkehng CCO me ke ale sawas en roson mwahu sang ie. Ma ke anahne sawas en rapakihda omwi toahkte, ke kak wehwelahng CCO me ke aliale sawas sang ie.

8. Ih sou pahn anahne pwain wini, sawas en roson mwahu, de ai kin tuhweng toahkte ma ih iang alehdi OHP?

Sohte isaispen sawas ke pahn pwukoahki ma ke iang ale sawas en insurens sang OHP. Ma ke alehdi doaropwe me inda me ke anahne pwain omw alehdi sawas en roson mwahu, ah ke anahne wahda noumw insurens kard sang CCO me ke kin iang ale sawas sang ie ansou

me ke kohla ni omwi apwoindmen kan. Ke kak pil wehwelahng ni omwi CCO oh esehda mehnia sawas en roson mwahu me re kin pwain.

9. Dahme OHP pahn kin pwain de pwukoahki?

Sawas en roson mwahu kileldi pah me OHP kin pwain de pwukoahki. Eh kakete tohto sawas en roson mwahu me OHP kin pwain de pwukoahki. Ma mie omwi iren kalelepak ong mehnia sawas en roson mwahu me re kin pwain ah, ke wehwelahng ni omwi CCO.

Irehkan me pid sawas en roson mwahu	Irehkan me pid sawas en roson mwahu me re kin pwain
-------------------------------------	---

Sawas ong me kin sohte kak uhdi sang ale mehn Kasahliel	
Sawas en roson mwahu en Ngih	<ul style="list-style-type: none"> • Sawas en roson mwahu me koaros keiou anahne me iangahki kamwakel en ngih, ale wini en floraid, simentih ngih, oh pil tupwasang ngih • Sawas me karwaru pwehn sowesehla ngih medek de me ohla • Ngih pasapas • Sawas en welianda de kiheng stainless steel ong pohn ngih laudkan • Ekei sawas en welianda mongen ngih ong me liseian oh seri me pwulopwul sang sounpar 21 • Kiheng wini en pwaindi ngih pwoar, wia doahk en utin ngih de ruhd kanahl ong ngih laud me loalongala nan owen seri me pwulopwul sang sounpar 21 • Sawas en men rong wasa oh kosou en rong wasa
Rong wasa	
Sawas en me mihla nan ihmw	<ul style="list-style-type: none"> • Sawas en me mihla nan ihmw
Sawas ong me solahr mehkot toahkte kak sawaski	<ul style="list-style-type: none"> • Sawas ong me lelehr ansoun koamoaldi de mehla
Sawas en nan Ihmwen Wini	<ul style="list-style-type: none"> • Sawas ong me soumwahu ni karwaru de emertensi • Sawas en mihmi nan imwen wini oh me mihmi likin imwen wini oh aliale sawas sang toahkte
Immunizations and vaccines	<ul style="list-style-type: none"> • Me duwehte dok en silasil en soumwahu en wai me kahdaniki flu de dok en silasil en mihsels-mum-rupela (MMR)
Sawas en ansou en medek en neitik, ansou en neitik oh mwurin neitiklahr	
Kosou en inta koaros oh X-ray kan	
Sawas en roson mwahu sang toahkte, ners, de sohn sowese toahkte	<ul style="list-style-type: none"> • Me duwehte kosou de apwoindmen en tuhweng toahkte
Kepwehn doadoahk oh dipwsou en apwalih me soumwahu	<ul style="list-style-type: none"> • Me duwehte mehn des ih wen suke nan inta ong me soumwahu en suke de sokon

Tehnwar en peidaid ong me soumwahu	<ul style="list-style-type: none"> • Me duwehte ampwulans de tehwar en peidaid tohror ong sawas en roson mwahu oh apwoindmen me sohte karwaru
Sawas en roson mwahu en nan moahng de me pid madmadau	<ul style="list-style-type: none"> • Me duwehte sawas en apwali soumwahu me pid nan moahng de sawas en wini me pahn kamwahuila soumwahu en nan moahng
Sawas en roson mwahu me pid kakehlail en palinwar, sawas en roson mwahu ong me soumwahula ni ahr pahn pein wia koaiek de pilehu esehla apwalih pein irail, oh sawas en roson mwahu me pid lokaia	
Doaropwehn winih kan	<ul style="list-style-type: none"> • Sawas en OHP me kihda de pwain Wini me Malaulau ongete Medicare Part D pwehki re sohte kin pwukoahki de pwain wini me tohto
Roson mwahu en nan mas	<ul style="list-style-type: none"> • Sawas en roson mwahu me pid nan mas • Sawas en roson mwahu en nan mas ong me liseian oh seri me pwulopwul sang sounpar • Kilahs kin sohte isaispe ong me liseian oh me lel sounpar en me mah kan oh me mah oh pil ahneki soumwahu en nan mas me kahdaneki aphakia de keratoconus, de mwurin koadoahk en kadarak

10. I kak sohla iang ale sawas sang OHP?

Ma ke mweimweida ken iang ale sawaskan sang OHP, noumw doaropwe me pekederwei me pid omwi mweimwei ong ale sawas pahn kawewehda songen irehkan me wekila nan ahmw mour me ke pahn anahne repoht kihlang OHP. Sawas me ke kin alehdi sang OHP pahn kak uhdi ma irehkan me pid wekideklahn koasoandi en ahmw mour, me duwehte kousonla nan ehu state. OHP pahn kadarewei doaropwe sounpar koaros pwe ken pilehu kapidolong noumw applikeisin kapw ong ale sawaskan. Ma ke sohte sapeng irail, omwi sawas me ke kin alialehkan kak uhdi. Eh kesemwpwal ken kihla adires me pwung de kapw OHP ma ke mwekidsang ehu wasa. Ma ke mihla ehu state liki daulih rahn 30, sawas me ke kin aliale kak uhdi. Ansou me ke pwurala, ah ke kak pilehu kapidolong noumw applikeisin en sawas en insurens sang OHP.

11. Dahme pahn wiawi ma ih anahne kohkohsang Oregon erein rahn 30?

Ke anahne repohtki me ke pahn kohkohsang Oregon ni erein ansou mwotomwot. Ma ke kohkohsang Oregon pwe ken kousonla ehu wasa liki, omwi sawas sang OHP pahn uhdi. Ke kak pilehu kapidolong noumw applikeisin ong sawas en insurens OHP ansou me ke pwurodo Oregon.

12. OHP pahn kak sowesoweseiehte ansou me ih kohla mihla ni ehu state (mwemweit, kousonla, de pil ehu soang tohrohr)?

Ke pahn kakete doadoahngki sawas en isurens sang OHP nan ehu state liki ma ke anahne sawas karwaru oh wini me toahkte kin wiahda sinlikou ong wasahn ale wini. Ke anahne wehwehieng omwi toahkte oh omwi CCO pwe ken esehda ma dahme OHP pahn kak sawaski. OHP sohte pahn kihda sawas ong mas liki en United States. Ma ke pahn kosoula oh kousonla ehu state liki, ke solahr pahn kak doadoahngki sawas sang OHP.

13. Sohte nei I-94. Ih anahne ong ale sawas sang OHP?

Ke anahnehte kasalehda mengihtik me mih nan noumw I-94 ong kapidolong applikeisin en sawas ong OHP. Ma sohte noumw I-94, ke kak doadoahngki noumw pahspord sang omwi

- was a de I-766 doaropwe me kasalehda me ke mweimwei en doadoahk de ong duwen omwi imikresin de mweimwei en kouson nan wai et. Ke pahn kakete anahne kasalehda noumw doaropwehn imikresin. Ma re idek oh anahne sang uhk, ke pahn anahne kadarala kilel en mwowe oh kapin noumw doaropwehn imikresin de pahspord.
14. Nei pahspord solahr manaman de ekspair. Eh sou pahn mie mehkot apwal pwarada?
Soh. Doaropwehn I-94 me kileldi rahn me ke peidi/mwesel sang nan wai et, pahspord en sang ahmw wasa de sahpw liki, de I-766 doaropwehn kadehde me ke kak doadoahk pil kak wia doaropwehn kadehdeda omwi mweimwei en mih nan wai et de imikresin.
15. Ih alehdi doaropwe me inda me ih sohte mweimwei en iang ale sawas ong OHP. Dahme ih anahne wia?
Noumw doaropwe me kawehwehda omwi mweimwei en ale de sohte ale sawas sang OHP pahn kawehweda dahme kahreda ke sohte kak iang ale sawas en OHP oh mengihtik koaros me pid duwen ahmw sohte ale sawas wet pahn pekederla ehu wasahn insuren me kahdaenki the Marketplace. Ma mie omwi iren kalelepek me pid omwi sohte mweimwei en alehdi sawas en OHP, eker pwihn en sawas nan ohpis en OHP me kin sowese aramas me anahne sawas en insurens ni telepwohn nempe 800-273-0557 (ni sohte-isaispe).
16. Dahme ih anahne wekidehng nei insurens en roson mwahu sang COFA Premium Assistance Program kolahng OHP?
Koasoandi kapw ong sawas en Medicaid kahrehng kitail towe mehlel en COFA treaty me kousonla United States atail kak ale sawas en insurens en roson mwahu sang OHP. Ma ke mweimwei en alehdi sawas unsek sang OHP, ke solahr pahn anahne sawas en insurens en roson mwahu sang HealthCare.gov. Ma ke solahr mweimwei en alehdi tax credit kan ong premium de isais en pwain insurens ke sohla pahn kak aliale sawas sang COFA Premium Assistance Program.
17. Dahme pahn wiawi ma ngehi oh ai pwoud koaros kin ale sawas en insurens en roson mwahu sang Marketplace plan, ahpw emen kiht sohte kin ale sawas sang OHP?
Dahme pahn wiawi ma ngehi oh ai pwoud leledo United States pahn manaman en COFA treaty, ke anahne eker OHP customer service ni nempe 800-699-9075 (ni sohte-isaispe) pwe ken kadehdehieng irail me ahmw mweimwei ong alehdi sawas sang OHP pwung. Ma eh pwung ah, ke konehng wehwehlahng HealthCare.gov- eker 800-318-2596 (ni sohte-isaispe)-me ke iangehr alehdi sawas en insurens sang OHP (Medicaid). HealthCare.gov kakete kasohrala sawas me ke kin ale rehail oh kolokolte omwi pwoud nan insurens plan nan Marketplace. Ma aramas me iang ale sawas sang OHP sohte kohsang nan pein neirail insurens plan me re kin ale sang HealthCare.gov, COFA Premium Assistance Program pahn kawuhdi pweipwei en plan wet ong aramas teio. Ma ke anahne sawas en repohtki lahng HealthCare.gov duwen ire me wekila nan omwi mour, kohla kiheng irail dahme wekila, nan neirail wepsaid OregonHealthCare.gov/GetHelp.
18. Ih kak iang ale sawas sang Medicare oh OHP?
Ma ke naineki insurens en roson mwahu sang Medicare Savings Program, ke pahn kakete mweimwei ong alehdi sawas sang Medicare Savings Program me kak sawas oh kaidi isais en soahng teikan. Ke pahn kak pil mweimwei en alehdi sawas koaros sang Medicare oh OHP, apw eh pahn sang ni duwen irairkan me pid omwi mour.
19. Ahi sounpar laud sang 65, ahpw ih sohte alehdi sawas sang Medicare. Ih kak iang ale sawas sang OHP?
Ke pahn kak mweimwei ong ekei prokrahm ma ke sounpar 65 de mahsang, masukun, de ahneki soumwahu tohrohr.
20. Ih anahne pwain isais en sounpwong koaros ong Medicare parts A oh B. Ih kak ale sawas en OHP te oh sohte ale sawas sang Medicare?

Ke pahn kakete mweimwei en ale sawas sang Medicare Savings Program, me kin kihda sawas en mwohni pwehn sowese pwain pweipwei en ekei isais me pid Medicare. Ke kakete pil mweimwei en alehdi sawas sang OHP oh pil patehng sawas sang Medicare.

21. Dahiou Medicare Savings Program?

Medicare Savings Program iei prokrahm en Medicaid ong aramas me mweimwei ong ale sawas en Medicare. Wasa silu me mih nan Medicare Savings Program. Iet kan:

- Qualified Medicare Beneficiaries (QMB): State pahn pwain isais en sounpwong koaros ong Medicare oh pil pahn pwain isais en pweinen ekei mehkot likin me Medicare pil kin kak pwain. Ma ke mweimwei en alehdi sawas sang QMB, ke pahn pil pwain pweipwei en sounpwong me pweitikitik ong plan en wini oh ke pahn pil pwain wini pweitikitik ni ansou en audaud wini.
- Specified Low-income Medicare Beneficiary (SMB): State kin pwain pwilidi en pweipwei en sounpwong ong Medicare Part B. Ke pahn pil kakete mweimwei en ale sawas ong plan en pwain pweipwei en wini oh aude wini.
- Specified Low-income Medicare Beneficiary (SMF): State kin pwain pwilidi en pweipwei en sounpwong ong Medicare Part B. Ke pahn pil kakete mweimwei en ale sawas ong plan en pwain pweipwei en wini oh aude wini.

22. Ih alehdi sinlikou me inda me ih naineneki QMB, dahiou met?

Wehin Oregon pwain noumw Medicare Part A oh Part B wen isais iou sounpwong koaros oh pil ianghki omwi pwukoa en pweipwei sang nan omwi pwekid sawas me Medicare kin pwain. Ma ke mweimwei en alehdi QMB, ke pahn pil ale sawas en pweinen wini ong plan en wini ong isais en sounpwong koaros oh pweinen wini pahn pweitikitik ansou me ke pahn aude wini.

23. Ih alehdi sinlikou me inda me ih alehdi OHP, ahpw ih nainkier Medicare. Pwehda?

Pweinomw sang wasahn doadoahk de sang elen ekei elen wiahdo mwohni mwein mih ni wen isais iou me tikitik kahrehng ke kak mweimwei en alehdi sawas sang OHP oh pil Medicare. OHP pahn kin pwain sawas en roson mwahu mwurin Medicare pahn pwainla mahs arail isais. OHP kak pil sawas en roson mwahu, me pid sawas en roson mwahu en nan mahs de kilang wasa oh roson mwahu en nghi, me Medicare sohte kin pwain de sawaski.

24. His me ke kak eker ma mie omwi iren kalelepak me pid Medicare Savings Program?

Ma mie omwi iren kalelepak me pil sawasakan sang Medicare, eke Oregon's Senior Health Insurance Benefits Assistance (SHIBA) program ni nemper 800-722-4134 (ni sohte-isaispe). Ma mie omwi iren kalelepakme pid Medicare Savings Program de sawaskan sang OHP ong armamas me kin iang Medicare, eker ohpis en Aging and People with Disabilities (APD) de ohpis en Area Agency on Aging (AAA) nan omwi wasahn kouson. Ke kak diar arail ohpis ni wepsaid <https://go.usa.gov/xseNk>.

25. Ih naineki Medicare oh alehdi doaropwe me inda me mie mehkot ih anahne pwain de bill. Dah me ien wia?

Ma ke naineki OHP de Medicare Savings Program oh sawaskan sang Medicare oh alehdi bill me pil sawas en roson mwahu me ke alehdi, ke anahne eker OHP ohpis en client services unit ni nempe 800-273-0557 (ni sohte-isaispe). Ke sohte konehng alehdi bill sang Medicare ong sawas en roson mwahu ihte ma Medicare sohte kin pwain songen sawas pwuko. Ma mie omwi iren kalelepak me pid bill ong sawas en roson mwahu me ke alehdi oh ke sohte naineki OHP de sawas sang Medicare Savings Program, ke kak eker SHIBA program ni nemper 800-722-4134 (ni sohte-isaispe)

Oregon Health Plan: Megnihtik ong Kaweid ni duwen tehpiahn iang ale OHP

Doadoahngki Oregon Health Plan's guide wepsaid link me mih pah pwe en soweseiuk ong duwen omwi pahn doadoahngki OHP ansou mwadang.

[English](#)
[Chuukese](#)
[Kosraean](#)
[Marshallese](#)
[Palauan](#)
[Pingelapese](#)
[Pohnpeian](#)
[Yapese](#)